



千金諾

上冊

千金諾

上冊

中華書局印行



千金諾上冊

目錄

第一章

述概

第二章

訂婚

第三章

影事

第四章

別懷

第五章

俠訊

第六章

促歸

第七章

夜訪

第八章

園敘

第九章

金諾

第十章

展墓

第十一章

覓柯

第十二章

家變

第十三章

激試

第十四章

通郵

第十五章

告捷

第十六章

悔捷

第一章

新理

目錄

千金諾 上冊

第一章 述概

光緒甲申暮春之月。余友吳下齊生琴癡。忍王褒廬墓之痛。含張儉亡家之悲。初遊滬上。未遇而歸。暫寓其身家。時值郡試。同學咸預焉。生以奉諱無聊。效羅友之送人作郡。乃於窗友考寓中。獲交一陳君。旋乃與其妹訂有婚約。凡歷一十五年。始成終局。其間折磨困頓。艱苦悲辛。爲古今所罕聞。亦中外所同慨。因於夜雨秋燈。聯牀共話之時。委曲詳盡。以告余。而屬余記之。稿成於宣統辛亥之大潮生日。意不遑欲問世。滄桑既改。病懶日深。稿之拋棄架頭。又將四載。漸爲朋輩所見。由是爭欲假觀。坊肆聞之。亦來徵索。遂有慫恿付刊者。余意終躊躇。蓋以余鈍筆紀彼實事。較之憑虛結

構。難。易。判。然。且。事。隔。二。三。十。年。風。尚。習。染。皆。已。懸。殊。則。在。吾。詡。爲。新。奇。者。在。人。或。將。厭。爲。陳。腐。最。可。慮。者。家。庭。骨。肉。間。難。言。之。隱。痛。彼。既。以。憤。激。出。之。則。吾。代。人。立。言。殆。亦。不。免。於。偏。矯。耳。朋。輩。曰。嘻。子。亦。知。今。日。之。女。德。已。一。落。千。丈。乎。子。之。書。於。婚。姻。自。由。之。利。害。言。之。深。切。而。著。明。所。謂。現。身。說。法。以。發。人。深。省。者。非。歟。且。行。文。不。落。於。平。立。意。仍。歸。諸。正。非。以。裝。點。爲。工。而。以。規。戒。爲。旨。亦。何。憚。而。不。以。聞。世。耶。余。不。獲。辭。乃。詮。次。而。付。手。民。如。下。之。所。述。云。

第二章 訂婚

齊生與陳君。既一見而稱莫逆。陳居蘇城獅林白塔之間。距生寓甚近。因時相過從。陳父由儒而醫。有時名家。亦小康。但二年前已作古矣。稍久之。生乃請見陳母。母以生雖孤露。文才爲衆所稱。一

時惻然憐之。頗加優禮。邀其頻來聚晤。弗拘拘於形跡之間。嗣是陳與生交益親。遂訂金蘭誼。生詣陳飲食。居處不啻家人。母有二女。皆習見以兄妹相呼。二女者長名儀。字鳳苞。年十九。卽本書所稱鳳苞女士也。次字鴛佩。年十五。皆秀外慧中。麤涉文翰。而長尤勤敏。善操家。爲其母所依賴焉。

是年秋。高陽方伯在蘇。陳臬生以考課受知。冬由高密先生推薦。與海甯查君鏡淥同入幕中。於是陳母益重視生。未幾而有許婚之說。母之對生曰。賢姪清才良足。攀仰倘得附爲婚姻。二女麤陋。惟君擇之。論年鳳弱。君一齡宜其諧矣。然君肖牛而鳳肖虎。牛與虎不合也。鴛肖馬。牛馬亦不合也。則奈何。子婦在旁咸笑曰。賀阿母得快婿。尙安問牛耶。虎耶。謂生曰。賀君爲我家之快婿。然將欲

爲大姨夫耶。抑爲小姨夫耶。其速言之。俾吾屬稱謂早定也。生忸怩不能答。竊笑生肖之說爲愚妄而已。斯時鳳鴛二女則皆薄暈雙腮。相將避去。衆亦一笑置之。然生周旋於二女之間。已半年許矣。以弱冠翩翩大僚書記。而又遇此花月妍麗之姿。冰雪聰明之質。未免有情。誰能遣此。旣聞母言。覺魚與熊掌二者不可得兼。爲問其心得。無若金井轆轤。上下而不能自己耶。然生竊自計之。鴛雖多情。年猶幼稚。所動人憐愛者。祇此一味天真而已。蓋鴛嘗語生曰。癡生乎。君非善讀石頭記而竊慕怡紅公子者乎。則試問君之意。中人如瀟湘子者。今果安在。是言也。何言歟。鴛乃公然宣之於口。雖情致纏綿。未免矯癡過甚矣。而鳳之爲人。謂其有情。又若無情。謂其無情。則又一舉一動。別具深心。雖未若阿鴛之靈機透。

露語必雙關。然於生飲食起居無不加以調護纏綿懇摯。別有深情。故生於兩相衡較之餘。決意舍鴛而取鳳。於是倩某同袍爲蹇修。謁其母。具述求婚之意。母曰。我誠許之。然亦戲言耳。頃之曰。我固知其屬意鳳也。然今非其時。寄語姪好自爲之。徐徐再議可耳。生聞言。錯愕不知所對。思許婚之言。明出諸其母之口。今乃幡然曰。戲言曰。徐徐再議。不知何謂戲言。既戲言矣。又不知何謂再議。轉輾思維。殊難索解。而生與女士之種種折磨。種種悲苦。則自此始矣。

使生果爲烈丈夫。則從此以後。足不再履陳氏之室。面不再覲陳氏之人。如佛氏所謂大解脫者。又豈不善。無如生或有此決心。彼陳母者。則尙未許一對癡男駸女。遽離情網。蓋爾時之生。憤惋已

極悶坐衙齋。忽忽若有所失。推其意。幾欲終其身。不復過臨頓路一步。乃甫及二旬餘。陳氏之使已兩往召生。不數日。陳君又親身往。時陳新擷芹香。方將開筵作慶。既至。極爲乃堂道歉。謂君如不往者。家母愈將不安。即促僕夫持生臥具以行。生無奈何。隨之而去。登其堂。則懸燈結彩。氣象一新。戚串之道賀者。已先期而集。二女歡顏迎候。母亦溫語周旋。生意終怏怏。入書齋下榻焉。裹足獨處。悄焉寡歡。深悔此來多事。而鳳苞女士則蹀躞不安。時於庶務叢雜之際。偷其一隙光陰。來與生作喁喁私語。此二三朝夕間。女士之纖趾跋來報往於生之齋頭者。無慮數十次。其慰藉可謂至矣。無如生以深憾其母。因并遷怒於鳳。不自覺其語冰而顏鐵也。是皆少年盛氣之累。然自由訂婚。亦卽由斯時而起。

生留三日。毅然欲行。女士默喻其意。晨起絕早。詣書齋。見生已飭具矣。慘黛頰。鬟盈盈欲涕。問生曰。君何爲者。生曰。行矣。然則將以何日來。生曰。去則去耳。甯復來。女士愀然曰。琴哥。我母視君猶子。禮意夙殷。即一時開罪於君。然母之外。尙有我也。獨不能爲我故。稍稍容忍之乎。生笑曰。賢妹所言是甚。以我爲知己也。今試問賢妹。亦知我之心。果何爲而戀戀於此。女士俛首不答。生曰。何如我之心。賢妹尙不能知。他復何言。女士嘆曰。人非木石。焉得無情。君之心。我非不知之。母冤我之甚。生曰。妹旣知我之心。則今有最後之一言。敢問其許我否。乎。女士不答。而頰暈朝霞矣。女士以生長深閨之弱質。不幸溺於私愛。墮此情網之中。其平日相愛之情。固於濃厚中。別饒清潔者。方寸靈犀。正如演影劇者。隱隱綽綽傳神。

阿堵之中。今日齊生忽若欲揭此垂幕。要之以許婚。我料女士有生一十九年芳心中。從未受此非常之感動。則其愕眙之餘。未能卽答。誠不失爲守身如玉之女。郎奈斯時。齊生堅欲挾持此可憐之弱女。以爲得失在俄頃間。竟不憚再四促之。良久良久。女士泣然曰。琴哥愛我。今日何相迫之甚也。生曰。否否。我乃錚錚烈丈夫。義不受人侮。弄妹母。旣以賢妹許我。何以又云戲言。再又曰。徐議我意。此事能否自由。全在賢妹。故我以後之去留。全以賢妹之向背爲斷。良久良久。女士慨然曰。琴哥乎。爾我相愛。半年餘矣。除我一身以外。苟有事物爲我琴哥所要求。我無不可立時承諾。博君歡顏。今日之事。則我身畢生之事也。以妹賤陋爲琴哥所不遺。我亦何所矜惜。不肯以身奉君。然我母所以許君者。以君爲風憲之

幕賓其拒君者以君子然一身別無恆產且君性又甚傲凡我家
庭之內族鄙之間除我仲兄以外不愜意於君者比比皆是我意
此事成之綦難故不得不躊躇審顧耳然荷君之愛至於如此我
苟亦淡然漠然置諸度外我實有所不忍總之此事難而已矣我
至愛之琴哥乎應知我近日之柔腸已寸寸斷矣

女士既以悲慨沈懇之言答生其承諾之心亦已隱躍言端生似
可默爾息矣無如生一腔熱血轉似受冰凌雪沃愈覺沸騰神志
至爲瞽亂聞女士一再曰難以爲係決絕之詞遽起疾趨而行將
出戶女士乃追躡於後堅攬生袂曰止止我以君故將不克自持
矣君弗急急曷使我畢其詞生曰苟賢妹以玉音畀我則我……
語至此足亦頓駐女士瞋生以秋水之明眸數生以春葱之纖指

曰。嘖。嘖。盛氣哉。君也。生曰。盛氣奈何。女士飄然曰。君弗如此。我志決矣。隨繼以極輕軟之聲曰。今而後惟吾二人甘苦同之。語畢立俛其首。嬌羞掩抑。殆不可堪。是時生既如願。又睹此羞怯之嬌顏。心遂立時渙然。且一縷酸辛已由足底直透鼻端。不自覺慙感交集。忽念往時爲異姓兄妹。今則儼然我未婚妻矣。乃忘其所以遽一握其纖纖素手。藉申親愛。於是更爲旦旦之詞。與留後約而別。時十一月二十四日也。

第三章 影事

生返館後。居停忽擢任浙藩。卽卸臬篆。雖入覲。須待來春。僚友已條如星散。高陽畀生以尺一。令往車坊釐局司文牘。刻期出發。往別女士。以車坊距蘇近。彼此猶堪強慰。故信宿卽行。既抵車坊。又

受調至用直。司樞務。羈愁別恨。觸景紛來。猶幸陳君時通音問。睹乃兄之手札。不啻挹女士之眉峯耳。溯生與女士訂婚。不滿一月。卽惘惘出門。雖數月之間。曾返蘇兩次。然自此離多會少。天各一方。不能於月蘭秋榭中。再享從前艷福矣。回首當時。幾多情事。亦且隨春宵夢影。轉眼成空。今日筆墨餘閒。且就齊生月蘭秋榭影。事補敘之。以告讀吾書者。

月蘭秋榭爲陳氏之內堂。小屋三楹。蠓窗明淨。窗外雜蒔花草。境頗清幽。女士姊妹對鏡理粧。拈鍼刺繡。恆坐於此。上有橫額書此四字。趙撫叔所題也。初生既就幕。月輒乞假數日。詣女士家作休息計。自生及生之朋輩視之。不啻甥館焉。至生服用諸物。則悉儲於月蘭秋榭中。由女士親爲料量。其母若兄。非惟默許之。抑且明

詔之。蓋以齊生與陳既誼。訂金蘭二女。亦分屬姊妹。故各事皆視爲女士所當爲而生。與女士遂以無拘無繫。不覺不知中相安於高厚之情。天者凡百有餘日。

平時女士晨起。卽至庭前。課傭洒掃。日以爲常。事畢。生猶未起。則以指輕彈齋扉。曰。時晏矣。琴哥尙貪眠耶。生輒應聲披衣而出。時則朝暾映射。天氣澄鮮。婢媼既退。庭中惟彼二人。或並肩而立。閒看階下之花。或歛步相隨。笑指梁間之燕。比及臨窗對坐。凝睇相看。更若有萬緒千端。欲傾心而吐露。卒之含情相對。默默無言。彼之一時。非彼二人。最可寶貴之光陰乎。乃當其境。則淡焉相忘。任令蹉跎。至今思之。則好會難常。已覺芳年易逝之可惜也。

生與女士。每晨必同盥漱。一日。生忽欲得女士之巾。而弱於顏。則

反。覆。自。嫌。其。巾。之。不。潔。以。示。意。女。士。覺。之。色。微。慍。然。卒。以。其。巾。擲。於。生。之。盆。中。曰。奇。哉。凡。我。之。物。君。乃。無。不。欲。之。時。女。士。方。盥。臉。波。猶。溼。頓。泛。嬌。紅。比。之。出。水。芙。蕖。殆。無。以。過。由。是。女。士。之。巾。亦。以。便。宜。授。生。許。得。一。體。用。之。此。外。如。菸。管。茗。壺。爲。女。士。所。別。置。者。向。皆。視。同。禁。鬱。他。人。不。得。近。之。其。肯。出。爲。供。應。品。者。亦。惟。生。一。人。而。已。女。士。晨。粧。生。每。徘徊。其。側。或。爲。香。奴。或。爲。眉。匠。意。甚。樂。也。昔。人。詩。云。水。晶。簾。下。看。梳。頭。此。景。此。情。人。生。何。能。多。得。生。在。月。蘭。秋。榭。中。時。則。幾。朝。朝。於。脂。奩。粉。盞。間。討。生。活。生。嘗。言。女。士。長。身。玉。立。鬢。髮。如。雲。常。服。淡。粧。天。然。英。爽。其。贊。美。之。詞。從。不。逾。此。十。六。字。大。抵。生。爲。質。直。之。人。故。不。欲。虛。詞。溢。美。然。卽。此。十。六。字。已。聊。可。想。見。其。人。矣。